

清名家詞

2

毛翰林詞

運彰



毛奇齡（天啓三——康熙五五）

亦名甡。字大可。號西河。又有僧彌僧開齊于河右初晴秋晴晚晴春莊春遲諸號。浙江蕭山人。以廩監生薦應博學鴻詞試。授檢討。告歸。著書數百卷。尤致力於經學音韻。採入四庫全書及存目者達六十一種。

## 毛翰林詞

蕭山毛奇齡大可

### 南歌子

鐵鑊生梁子。銅樞種棗花。楊柳正藏鴉。閉門春晝靜。是誰家。  
茜染牆頭草。烏飛陌上桑。三十侍中郎。自矜拖紫綬。茜花香。  
蕙幌春前雨。花竿晚後虹。解珥墜青蟲。去年曾借宿。宋家東。  
蕊撲鴉頭淺。鬢梳蠶尾輕。鏡裏未分明。勻殘紅粉絮。掛簾釘。  
高屨宜牆窄。長裙愛欄多。風起動江波。隔江風更急。奈裙何。  
舊苑羅羅在。新教略略成。殿上暗呼名。鍍金黃甲子。墮銀箏。

### 荷葉盃

雙槳紅舡欲度。荷路向前溪。葉搖傾下露珠子。菱刺又牽衣。  
五月南塘水滿。吹斷鯉魚風。小娘停櫂濯纖指。水底見花紅。

章臺柳

楊柳枝。莫教折。留綰衫前散巾結。祇恐飛花上紫綸。認作搖郎鬢邊雪。  
花漏深。春睡醒。二五窺蟾半邊影。燒殘蠟淚泛銅盤。一尺珊瑚沁心冷。

南歌子 又一體

燕尾捎輕霧。花梢涌落潮。朝鮮計吏附書遙。三月隋堤、楊柳暗河橋。  
驅馬東郊道。提筐南陌頭。桑枝欲盡且移鉤。日暮鴛鴦、歸去好難留。  
蠟暈眉間粉。裙縈履上珠。陽雲樓上教歌殊。吹暖鳳梢、雙簫卸脣朱。  
澀杼嫌經密。殘絲畏鑷欹。纖縑織素總難期。獨對支機彩石、有誰知。  
湓匣箱金斷。青紅鈿暈殘。狂夫塞下幾時還。時見瑣窗、蛺蝶墜雙環。  
掬溜愁蘋捲。投竿喜藻開。蓮舟櫂女夜歸來。爭照水中、髻子落金釵。

漁父詞

簔簦銀鈎掛竹竿。珊瑚車子鐵連環。蓮葉渡。蓼花灘。烟波淼淼幾時還。

菰葉菱根。買網絲。曲榔單板立鸕鷀。前浦約。隔江期。江長浦闊。暝歸遲。

摘得新

河沒時。霜繁月已低。錯驚銀榻曙。起來遲。扶上鬢梢。隨意綰。亂絲絲。  
日滿檐。蟲飛逐檻邊。紅衫腰後結。洗妝鉛。指拂額黃時。轉側鏡臺前。  
欲上牀。卸頭留半妝。殘膏銜獸頸。且縫裳。晶環繞指。先知冷。假誰傍。  
漏盡移。還將繡譜披。碧窗連鎖下。響朝雞。坐得畫裾千百褶。夜何其。

瀟湘神

湘渚頭。水北流。麥天風雨綠崖秋。蕉葉緝紗。仍染綠。荆門紅樹。好生愁。  
邛竹枝。生古祠。叢叢峭壁鷓鴣啼。朝雨過來還暮雨。不知神女幾時歸。

蕃女怨

吳娥窈窕初拂舞。堂下春雨。柳垂銚。花轉轂。暖翻紅燭。只憐卻舞汗衣乾。又春寒。  
胡騰起作石國語。愁殺蕃女。鬪鞞尖。銅帶軟。蹴踏宛轉。迴頭忽憶舊安西。兩眉低。

憶江南

江上路。橫曼小長干。日炙水花紅灩澦。烟浮堤草綠綿蠻。高閣尙春寒。  
江路遠。草際暗塵消。紅藥園深朝墜露。白蘋渚淺夜添潮。人醉畫欄橋。  
堪憶處。曲巷試單衫。菱井啄泥懸社燕。桃根熨火種春蠶。風景是江南。  
風景好。菰葉滿橫塘。碧帶梢頭騎馬客。紅釘屐子攏舡娘。兩兩見鴛鴦。  
臨大道。金碧遠天涯。出郭危樓雲作堦。抱江小檻幔垂沙。記得那人家。  
前浦去。何處最能留。黃鳥換枝啼不歇。落花細逐往來舟。微月上汀洲。  
妝裏淡。時世在江淮。裙襖緩韜雙籠襪。髻根鬆貼兩梁釵。驅鴨去還來。  
頻悵望。耶水與梧宮。誰浣素紗窺越女。因歌白苧號吳儂。總在石蓮東。  
歸去好。長聽子規啼。紅藕城橋風脈脈。黃梅江閣雨淒淒。愁思望中迷。  
江上市。帆落度橋來。兩岸娼樓懸水柵。平舡擊板暝烟開。漁火夜相猜。  
芳草軟。朝暮藉車輪。鸚鵡蚤寒調婢子。琵琶夜雨養姑神。愁殺浪遊人。

西溪子

獨襖對襦一抹。帕幘兩頭八撮。抱腰身。牽帶孔。持帶孔。卸到燭光浮動。暖烟濃。瀉輕紅。  
棋底紅編履子。低撒研羅如水。夜填時。重解袜。重束袜。坐久欲填還脫。忽見月如鉤。使人愁。

思帝鄉

撥捩遲。歌挑舞又催。半折紅衫遮柱。柱初移。慢揲銀彊絃急。恐難支。不念中宵起。上絃時。  
紅盼。紫盼。藍綠盼。翠帽玉鈴珠串。壓金裙。垂手正巾徐步。毯毛深未分。倏見暖風吹。繞一堂雲。  
霓裳羽衣譜未詳。玉貌何人無力。繞珠璫。曳得鈿纓纍纍。履蹻裙白揚。猶自曲終徐立。聽聲長。



浪淘沙

仙橘山前看橘花。單衫裁就橘山蔭。春江空作揉藍色。浪裏淘來那得紗。杉木爲簾竹作檐。江潮能苦雨能甜。連朝只飲檐頭雨。翻道江潮錯着鹽。

南鄉子

蕉葉領。橘花翹。紅藤篾子束裙腰。私念鵝雞顏色好。從誰道。裁作大郎頭上帽。藤菜暖。荔枝乾。青蛤河畔碧魚餐。願絞桃榔皮裏肉。炊烏木。暫與小郎充晚腹。賽起祠叢。木棉花發野椒紅。記得丁郎山下路。敲銅鼓。九孔紅螺扇遮舞。盧橘催酸。風生萋葉瘴烟寒。自賣明珠歸極浦。心苦。白氎單衫着秋雨。

甘州子

銀牀金井曉啼鴉。簾額上。襯紅霞。同心梔子夜開花。和露折來斜。無好意。送與謝娘家。

織金衫重懶提筆。雙扼臂。卸來輕。平頭吹蠟炙銅笙。葉底弄鶯聲。無好意。喚與順郎

聽。

江城子

賭門東上海潮青。古西陵。雨冥冥。越王宮女，着履在樟亭。亭下教兵遺竹矢。秋日晚，墮鴉翎。

日出城頭雞子黃。照紅妝。動江光。采蓮江畔，錦纜藕絲長。欲問小姑愁隔浦。長獨處，久無郎。

江深不畜伺潮雞。春和出戶遲。浣紗稀。雙橋釵子，瑱粟綴紅泥。裁得荷花新樣好，羞比着，嫁時衣。

楊柳枝

花萼樓前楊柳枝。美人翦綵自尋思。千絲萬絲誰作樣。剪來總似一條眉。白蝶愛翻輕粉絮。黃鸝偏上樓金條。雙眉葉葉憑君看。無奈低邊是細腰。

踏歌詞

毛翰林詞

園裏花成子。梁間絮作泥。風鳶移柱線。雲母貼窗衣。漫摘鬢邊篋。上有鬪蛾兒。  
網戶黏蟲翅。簾旌壓柳條。整釵時對鏡。結攢屢迴縈。漫折井邊桃。上有合歡梢。

天仙子

蠟炬乍開紅芍藥。枝頭又噪星橋鵲。還疑蕩子蚤歸來。蛛網錯。勾眼角。昨晚下階裙帶落。

玉繭牽絲纏寶帔。當胸繡出承恩字。朝朝獨自捲衣裳。蜥蜴尾。長繞臂。誰識牀頭有龍子。

珠雀五層宮髻直。紅縑盤委花磚級。太平天子用恩多。草露漙。裙裏溼。猶許蜻蜓上裙立。

牆裏花枝牆外影。嘶驕緩踏飛花冷。隔牆見得不分明。金甃井。銀絡綆。井面看身見斜領。

新殿前頭騎馬去。射生籍裏名初註。紅襦垂鐙手垂絲。迴盼處。風繞絮。羞抱夾金鞍。

子住。

魚網劈來螺粉滑。臂痕細壓金條脫。背人寫就兩行歌。花勝纈。銀縷結。纖指斜封惹脂沫。

前調 蠡城爲王郎記事

城上春雲城下雨。倩人留壻傾春醕。偷將壻袷障春寒。烹雪黍。炊玉杵。調壻鄉音隔窗語。

前調

鍼管紅抽丹鳳綆。螭頭金錯裁雙枕。誰家白苧夜歌來。人未寢。霜又凜。誤剪葡萄紫絲錦。

斑簾紋生雙腕纈。夢中欲笑開嬌靨。醒來記得許多情。檀獸爇。釵燕熱。侍婢相看那能說。

長相思

毛翰林詞

長相思。在春晚。朝日曈曈熨花暖。黃鳥飛。綠波滿。雀粟銜素璫。蛛絲斷金翦。欲着別時衣。開箱自展轉。長相思。在秋節。複斗垂垂怨蜻蛚。錦紋砧。素絲鑷。夢苦見參星。關深落榆葉。欲識夫壻寒。花階映微雪。

遇陳王

枇杷花裏誰家院。近叢壇。青漆左廂。開繡戶。坐雙鬟。着地畫簾飛燕燕。當階碧草映蘭蘭。車輪未必成三角。攬住門邊那得還。阿侯十六南鄰女。對門居。相視欲申無限意。口中朱。朝起青烟縈獸爪。晚來紅燭透蝦鬚。牙箱實裏冰蠶繭。骨裏相思豈是虛。金斗熨開魚子櫚。襯紅裳。銅瓶注暖獅頭炭。理黃妝。頻呼小玉因聲巧。欲寫泥金恐恨長。那見瑤臺成粉幃。果然銀漢是紅牆。

酒泉子

風攪紅簾。愁損隔簾人影。倩秦娥。纏越縈。唱吳鹽。黃鋪白鎖春相望。高閣魂驚難上。那更堪。花滿桁。柳垂檐。

可惜春歸。換得好花成葉。啓金箱。疊絮褶。熨單衣。銀鈎翠籠南鄰女。日暮採桑西去。怕秋胡。回道路。返遲遲。

寧掃空牀。怕見滿欄月色。寫金鍼。縈象尺。坐燈涼。屏欹漏月燈猶悄。坐遠影兒較小。爲孤單。長伴曉。似雙雙。

### 嬾卸頭

糺糺珠臂繩。宛轉轆轤上。那知雙穗條。夜夜空垂帳。楚雀緣釵橋。胡蜂啞衣桁。製得嬾卸頭。殷勤與誰唱。

### 定西番

校尉新開疏勒。旋右地。返輪臺。未歸來。奪得燕支萬里。草青春已迴。誰道于闐遠有野花開。

月落武陽碑下。控鵲血。挽牛螭。看烽紅。夜半軍中女子。鼓聲寒不雄。恰是深閨人去。夢魂中。

醉公子

是誰過上苑。試馬歸來晚。雙鐙武威銅。櫻桃馬頰紅。百枝燈並起。解馬歸花裏。花底碎金篋。珊瑚錯燕泥。杏園初試酒。挾彈遮楊柳。醉裏困金吾。教姬倒玉壺。綬絲如鶻子。翠帽團團刺。花片綴衣巾。衣花看轉新。

生查子

綠柰匝。茱萸。皂角穿蘿屋。犀隔釘明螺。眼底分朝旭。沉浦長。淇水曲。處處難追逐。欲見有何由。簪蠟成紅燭。

浣溪紗

碧玉蒲芽短短針。雀羅波底刺當心。拔蒲歸去水淫淫。櫂染綠苔疑掩袖。幔漂紅

露似瀟襟。晚風吹轉北塘深。

溪女妝成出若耶。芹絲萍蔓遍流斜。青苔石上浣新紗。

愛把單鬟捎竹葉。羞將雙

臉近荷花。綈油前覆夜來車。

軟綠江波鴨子清。日遲游女遍江城。紅橋度燭緩相迎。

細馬隔裙穿鐙子。平舡素

手撥簾旌。大堤春日往來情。

嬌女新妝村豔濃。四枝鬢插石榴紅。出門還怕隔溪風。

石鏡暗飛山後鵲。荻屏銷

畫水邊蕩。西施臺館碧波中。

綠滿南園乳雀栖。重花疊葉不通飛。小姑獨出採薔薇。

珥底珠兒徒刺臉。帶穿貝

子恐磨衣。行行立立自尋思。

叢鬢輕籠象格紗。麴塵巾皺翳朝霞。愁聽江閣按紅牙。

簪管枉鉸銀蓋葉。繡牀空

釘白圓花。游絲飛絮近天涯。

水繞空江葉繞枝。竹郎橋畔豆娘祠。佳人邂逅最堪思。

燭近只將遮幔子。風前長



自斂衫兒。梨花初落酒闌時。

巫山一段雲

篠壁含烟澹。椒花滴露稀。風吹細雨曉雲低。十二碧峯迷。神女祠前汨。清猿峽裏啼。瞿塘新水麴塵微。行客自依依。  
寒雨蘿衣溼。晴雲蕉轍開。空舲峽下近陽臺。誰向夢中來。叢笛江妃廟。孤舟新婦隈。山花石竹不須栽。看作小姑釵。

女冠子

上元少女。誰授玉函金宮。倚香壇。畫帔藤花淺。瑠鐘橘乳寒。南宮除牒子。北斗動旛干。猶見春歸燕。似青鸞。  
玄都清曉。坐間碧堂紅草。女仙家。玉鈴量星豆。金鏡煮雪花。駐顏丹作粉。繫肘籙垂紗。浼浼溝頭水。盡胡麻。  
上清仙夢。恍到十三春洞。玉顏紅。月下隨王母。花前別寧封。黃神潛解佩。赤鳥緩